





John Carter Brown
Library
Brown University




235


hu *pl*


Coleu VIII.31508


485002

(8)









LA
FVRIEVSE

DEFAITE DES
ESPAGNOLS, ET LA
sanglante Bataille donnee au Pe-
rou, tant par mer que par terre.

*Entre lesdits Espagnols & les Hollandois,
conduits par leur Admiral,
Iacques l'Hermite.*



A PARIS,
Chez JEAN MARTIN, rue
de la vieille Bouclerie à l'Escu
de Bretagne.

Iouxtela copie Flamande imprimee
à Anuers.

M. DC. XXV.

1823

1824

1825

1826

1827

1828

1829

1830

1831

1832

1833

1834

1835



LA FVRIEVSE

DEFAITE DES
Espagnols , & la sanglante
Bataille donnee au Perou,
tant par mer que par terre.

*Entre lesdits Espagnols & les Hol-
landois, conduits par leur Admiral
Iacques l'Hermite.*



VOY que le Seignor Iean
de Mañezca Inquisiteur,
assisté de plusieurs autres
Seigneurs de remarque,
eust (par commandement expres du
General Thomas de Larraſperou)
remonstré au Vice-Roy du Perou,
quel risque les Espagnols auoyent
couru les annees passees, au transport
de l'argent, & la grand' perte qu'ils

A ij

auoient faite à cause que ledit argent n'estoit arriué assez à temps : & que pour empescher que le mesme inconuenient ne leur arriuaist encor ceste fois icy , il seroit bon de faire partir la flotte le plustost que faire se pourroit. Si est-ce que iamais il n'a sceu faire tant enuers luy, qu'elle entrast en mer deuant le troisieme Decembre. Et d'autant que ceux de Lima croyoient qu'elle ne seroit preste, qu'au dixiesme dudit mois , il leur fit dire apres le departement desdits Nauires , que ceux qui n'auoient encor enuoyé leur argent , le pourroyent embarquer & mettre en vn vaisseau nommé de Recago , qui peu de iours apres seroit prest à faire voile.

Ce qui a esté grandement aduantageux aux Espagnols , qui sans doute eussent esté attrapez , si les Hollandois , qui auoyent douze grandes Nauires & grand nombre de mediocres, les eussent poursuiuy. Mais la fortune voulut , qu'vne certaine Navire appelée (par les Espagnols) Chinchorro , estant entres en mer sur le

soir, se trouua le lendemain au matin parmy la flotte Hollandoise, dont elle fut prise & examinee. Entre autres demandes que l'on luy fit, fut la premiere, s'il estoit vray que la flotte qui deuoit transporter l'argent du Perou en Espagne partiroit le septiesme dudit mois, comme leur auoit esté dit d'un Morisque qu'ils tenoient prisonnier.

Le Pilote de ceste Nauire sçachant bien qu'ils auoient enuie d'attraper la dite flotte à quelque prix que ce fust, leur donna vne bourde & se tournant vers le General, luy dit; *Monsieur, ne vous trouuillés pas l'esprit pour nostre petite flote: car il y a des-jà quinze iours qu'elle est en mer, tellement qu'il n'y a plus moyen de l'attaindre. Quand au rapport qui vous a esté fait du septiesme de ce mois, il est faux: Mais bien vous diray-je, que la Nauire de Recago qui à l'heure est au port de Callao, partira le iour sus-mentionné, chargée de plus de deux millions, qui à cause du depart precipité de la petite flote, sont restez & demeurez à embarquer.*

Le General fasché de ces nouuelles prit incontinent resolution de s'an-

crer la nuit suivante vis à vis dudit Callao, comme aussil fit. Et ayant mis en mer dix-huict chaloupes, s'en alla droit avec quatorze d'icelles dedans le port (sans craindre le soufflé de cent trente pieces de canon, qui estoient plantés sur ledit port) y bruslant dix neuf carques & vne infinité de fregates : En apres, ayant mis le feu au galion Royal, s'adressa à la Nauire qui estoit chargée de deux millions susdits, dont il esperoit se saisir : mais decheut de son esperance, à cause que la clarté du feu le trahissoit & le faisoit abandonner le port, qui sans cela eust esté pris & le reste des Nauires reduit en cendre.

Ceux de Lima voyant de loin ce feu, firent des cris horribles, vacarmes & hutlemens incroyables, croyants qu'on vint droit à eux, que le port fut entierement bruslé, & entre les mains des Hollandois, qui en ceste deffaite ne perdirent qu'un Canonnier, Allemand de nation & grand Ingenieur, principalement pour les feux d'artifice, qui fut pris prisonnier

& mené par vn Capitaine deuant le Vice-Roy. Qui luy enioignit sous peine de la corde, de leuer la main & luy dire la verité de tout ce qu'il luy alloit demander.

Il dit doncques, *Qu'ils estoient partis d'Amsterdam le vingt-neufiesme Avril en intention de passer le destroit de Magellan avec quatre Brigantins, autant de Hulques (ce sont des grandes Nauires à porter Marchandises) & vnze Galions tous bien equippez & pourueus de canon par les rebelles de Hollande.*

Là dessus on s'enquesta de leur canons, armes, munitions & quantité de viures, du nom de leur General, de la route qu'ils auoient tenuë, du butin qu'ils auoient pris, de leur dessein. Plus, si les Soldats & Matelots estoient bien cõtens, s'il n'y en auoit point eu de morts, & combien, quelle rançon on leur payoit, où ils auoient pris de l'eau & des viures, quelles nouuelles ils auoient appris en mer, &c. Adioustant, qu'ils scauoient la verité de tout ce qui s'estoit passé, & que par ainsi il se donna bien

garde de leur rien celer, s'il ne vouloit estre pendu & estranglé par son col.

Surquoy il declara, Qu'avec le nombre des Nauires mentionnees ils n'auoyent mis que trois mois & demy à venir d'Amsterdam en la mer Australe, que les Nauires de l'Admiral, du Vice-Admiral & du Guet de nuit, estoient grands vaisseaux pourueus chacun de trente bonnes pieces de Canon, & que le moindre Galion de toute la flotte portoit deux cents barils de poudre à Canon, qu'ils n'auoyent que trop de mousquets & de balles, qu'ils auoient veu en ce voyage des Mores & des Indiens, & qu'ils leur auoient fait entendre, que ceste flotte estoit partie de Hollande pour leur donner secours & les deliurer du ioug d'Espagne: qu'ils auoyent des viures assez pour deux ans: que le nombre de leur gens montoit enuiron à deux mil hommes, & que les cinq cents d'iceux estoient tres-bons Soldats, que quelques-uns en estoient mal contents, d'autant qu'on ne leur baille pas assez de biscuit, & d'autres viures: que l'Admiral n'y endure point, qu'ils mettent pied à terre de peur qu'ils ne prennent la fuite: qu'il a nom Jacques l'Hermite, homme fort
braue

braue & expert au fait de la nauigation,
 comme ayant autrefois esté és Indes Orientales:
 qu'il auoit les iambes grosses & enslees : que *Cecy a*
 l'on croyoit qu'il mourroit de despit & de male *esté dit*
 rage à cause que la flote qui portoit l'argent *pour flat-*
 en Espagne, n'estoit tombee entre ses mains: *ter les*
 que le Vice-Admiral estoit vn ieune homme *Espa-*
 rogue, arrogant, courageux, mais grande- *gnols.*
 ment cruel, nommé Iean Hugues, qui deuien-
 droit General s'il venoit faute de l'autre:
 qu'apres auoir passé Guinea, plusieurs de
 leur gens estoient tombez malades, ains de-
 puis gueris, horsmis quelques-vns, qui auoient
 esté iettez dehors pour seruir de nourriture aux
 baleines & autres monstres marins: qu'ils
 auoient pris leur course au long de la Barba-
 rie.

Item, Que passant l'Isle de Bourbon, ils
 s'en estoient destournez choisissans la haute
 mer, pour n'estre point descouverts: que de
 là ils auoyent cogueu le Callao de Lima, &
 ayant pris la susdite Chinchorro, auant que
 singler vers ledit Callao ils estoient venu au
 long d'Arica, avec dessein de se saisir des
 Nauires & barques qui y estoient au port
 & de s'emparer de tout le Royaume, pour
 mieux attraper la petite flotte chargée d'ar-

gent, qui prennoit la route du *Havre de Belo*: que le temps les auoit empesché de gagner ce port, & que les bronees trop espais s leur auoient osté de veüe le Soleil, & fait que par l'astrolabe ils n'auoyent peu cognoistre si ledit port estoit deuant ou apres eux: qu'en tout le voyage ils n'auoient attrapé qu'un petit vaisseau de peu d'importance, & vne autre grande Nauires fort riche & precieuse: en laquelle entre plusieurs autres prisonniers auroit esté trouué un Cheualier de l'Ordre de *Christ* venant du *Perou*, mais qu'il ne sçauoit le nom d'aucun desdits prisonniers, sinon que l'on prenoit ce Cheualier pour auoir esté *Corregidor* ou *Iuge de Potosi*, encor que les autres voulussent dire, que c'est *Don Francisco Sarmiento*: que l'Admiral ayant passé le destroit, auoit despesché un Brigantin pour porter des nouvelles au Comte *Maurice* de tout leur voyage, & luy demander vne autre armee nauale, à fin qu'ils eussent le moyen d'y faire des nouvelles colonies & peupler tel pays que bon luy sembleroit, & qu'ils peussent mieux resister au Roy d'Espagne, si par hazard il enuoyoit au secours contre eux, qu'ils s'efforceroient de mettre la main sur l'argent d'*Arica* qui deuoit venir de *Potosi* & *Orouro*, &

passer par Callao : que le dessein qui les auoit mené en ce pays , estoit de se saisir de la flotte qui porte l'argent : qu'ils deuoient mettre le feu en tous les vaisseaux qu'ils rencontreroient à fin, que le Roy ne leur en fist plus la guerre.

Voicy sommairement ce que le Canonnier Allemand a confessé & déclaré estre veritable : racontons maintenant ce que les Hollandois firent le lendemain apres auoir bruslé les Caraques & fregates Espagnoles.

Le premier exploit est, qu'ayant gagné le port, ils mirent neuf cents hommes à bord, firent des feux d'artifice & d'autres preparatifs, armerent trois petites Nauiress'enhardissant de tenter la fortune avec icelles & quelques chaloupes, dont les effets n'ont pas esté grands : mais lesdits neuf cents hommes assaillirent & attaquèrent si furieusement le Callao, qu'ils firent par trois fois tourner le dos au Gouverneur, qui ayant perdu plus de cinq cents hommes, fit tant avec le secours qui luy venoit d'ailleurs, qu'à la fin les Hollandois se retirerent avec quatre

Barques à deux lieuës du Callao pres d'une Isle, où ils ne pouuoient estre endommagez des coups de Canon, que ceux du Chasteau tiroient sur eux.

Reposans donc ainsi sous ceste Isle, ils enuoyerent quatre Brigantins courir la picoree vers Pesco & lieux circonuoisins, & trois autres avec deux chaloupes vers le port de Guayaquil, dont incontinent ils se rendirent maistres, ayant pris nombre de bateaux qui estoient pour faire garde à l'emboucheure de la mer, à fin d'aduerter ceux du pays, s'ils entendoient quelque bruit des Hollandois.

Mais ces pauures gens ne se doutans point, que les pattes du Lyon Hollandois fussent si pres d'eux, faisoient du Roger bon temps & dormoient à leur ayse comme enfans sans soucy : dont ils tomberent trestous mal heureusement entre les mains de leurs ennemis, qui en tuerent quelques-vns, & garrotterent les autres pour les faire faire vn saut en l'air.

Les habitans ayant ouy ces tristes

nouvelles s'enfuirent en diligence avec l'or & l'argent du Roy, qui montoit iusques à deux cens cinquante mil reales (*Chaque reale vaut environ trois quarts d'escu monnoye de France*) fans comprendre celuy qui estoit aux Marchands, & faisoient le tout conduire par deux cents hommes, dont il y auoit enuiron quatre vingts Mousquetaires qui furent mis en deroute & l'or demeura avec l'argent pour butin aux Hollandois.

Finalemēt ils mirent le feu audit Guayaquil (qui est le port le plus commode pour le bastiment des Nauires qui soit en tout le Perou) bruslant les trois quarts de la place; & ayant encore rencontré cinq Nauires, les sacquerent & y mirent le feu, horsmis vne autre neufue appartenant au Corregidor de la place, qu'ils menerent avec eux.

Ceux de Guayaquil grandement faschez de ceste perte les poursuiuiurent, & se ruants sur eux en tuerent enuiron cinquante, au nombre desquels estoit le nepueu del'Admiral.

Et dit-on que les Hollandois y perdirent deux petites pieces de canon, quelques harquebuses, mousquets & picques.

Les Hollandois s'en allants derechef à Callao, attraperent dix-sept tant Nauires que Fregates, chargees de vin, farine & toute sorte de Marchandise.

Estans arriuez à leur quartier, ils consulterent par quel moyen le feu se pourroit mettre en vn Galion du Roy (qui comme vn troisieme Chasteau estoit entre les deux Chasteaux de Callao) plein de canon & mousquetaires, & si bien enuironné d'autres Nauires qui luy seruoient de rempart, que ce sembloit chose impossible de s'en pouuoir approcher, principalement de nuit.

Il fut ordonné & conclud que l'on mettroit six hommes & vn pilote en vn vaisseau, qui iroit attaquer ledit Galion avec les autres vaisseaux.

Mais comme ils s'en approchoient, le Canonier des Espagnols, deschar-

geant vne piece de Canon, emporta la teste d'un des Hollandois.

Parquoy incontinent les autres se ietterent dans leur chaloupe & mirent le feu à la poudre à Canon, qui estoit en leur autre nauire, qui y fut bruslee avec le Galion & tout ce que l'on auoit mis à l'entour d'iceluy.

Ils eussent ce temps-là fait plus de mal aux Espagnols n'eust esté que deux de leurs hommes, Grecs de Nation, se fuyants de nuit, eussent aduertiy le Vice-Roy, que le Comte Maurice auoit deux espions Hollandois à Lima (dont l'un estoit truchement du Vice-Roy de ce lieu,) qui luy donnoient aduis de tout ce qui se passe au Perou, combien il y a de ports, par quel moyen & en quel temps on les peut surprendre, quel dommage on y peut faire, &c.

Surquoy ils furent apprehendez & condamnez à estre tenaillez tout vifs & apres tirez à quatre cheuaux. L'armée Hollandoise attendant du secours empesche que les Espagnols ne


font aucun traficq en ces quartiers-la , comme ayant fermé le chemin de Lima à Pauana , tellement qu'il est impossible qu'aucun vaisseau y passe.


F I N.


September 1935

- 16783 -

L. C. Harper







B625

C341n4 3905

Epiphany Dec 1918
500 fms





